

Rapport dalla sessiun dil cussegl da vischnaunca dils 10-06-2013

Tractanda 1

Approbazion dil protocol dalla sessiun dils 06-05-2013

Il protocol dalla sessiun dils 06-05-2013 vegn approbaus en votaziun unanima cun engraziament.

Tractanda 2

Damonda dalla cumissiun Casa s. Martin per ina contribuziun dil liug en connex cun il baghetg construui (Project 2010)

A caschun dalla votaziun dils 13-06-2013 ha il pievel da Trun dau glisch verda per il project d'adattaziun dalla Casa s. Martin e quei cun 95.49% dallas vuschs inoltradas. Era las vischnauncas da Sumvitg e Breil/Brigels e l'anteriura vischnaunca da Schlans han giu approbau il project presentau.

Sin fundament da quellas decisiuns ei igl architect Alois Huonder vegnius incaricaus da surluvrar siu project e da scriver ora las lavurs da construcziun. Las lavurs principalas ein vegnidas terminadas la fin digl onn 2011. El decuors dil meins da schaner 2012 han cussadentas e cussadents priu dimora en las novas localitads. Cun las 15 novas stanzas e las 3 habitaziuns per attempai porscha la Casa s. Martin in perfect dacasa per 60 cussadentas e cussadents.

Tier la construcziun da baghetgs che surveschan a habitonts da pliras vischnauncas e surtut nua che pliras vischnauncas ein pertuccadas vid la finanziaziun eis ei usitau che la vischnaunca dil liug vegn dumandada per ina contribuziun. Cun scriver dils 27 da matg 2013 damonda la cumissiun Casa s. Martin la vischnaunca da Trun per ina contribuziun en la grondezia da frs. 80'000.00. Quella summa sebasa sin la summa ch'ei vegnida concedida tier l'emprema engrondaziun dil baghetg. Da siu temps ha la vischnaunca da Trun giu contribuui ina summa da frs. 200'000.00, pia ina summa da 2% dils cuosts da construcziun. Ils cuosts dil niev baghetg muntan à frs. 4'000'000.00, aschia che la damonda dils responsabels munta à frs. 80'000.00.

La suprastanza communal propona al cussegl da conceder la summa dumandada e fa attents sin la gronda muntada economica dalla Casa s. Martin. Cun in diember da 48.2 plazzas entiras ei la Casa s. Martin in dils impurtonts patruns en nossa regiun. Actualmein ein 76 persunas occupadas cumpleinamein ni parcialmein en la Casa s. Martin. Era per nossas senioras e seniors eis ei in avantatg da saver passentar la sera dalla veta en l'atgna vischnaunca. Resumau ei la suprastanza digl avis ch'ils avantetgs effectivs ch'il menaschi porta giustificheschien ina contribuziun dil liug.

Cun 13 : 0 vuschs concluda il cussegl da conceder la summa da frs. 80'000.00 sco contribuziun dil liug.

Tractanda 3

Damonda dalla Casa s. Martin per acquistar proprietad ni in Dretg da servitud per saver construir parcadis sin la parcella 1368 A Splecs.

Il fevrer 1999 ha la vischnaunca da Trun giu cumprau la parcella 1368 dils artavels Felix Vincenz-Durband. La motivaziun per quella cumpra ei stada il fatg che la parcella era en zona per stabiliments publics e ch'igl interess dalla vischnaunca da saver arrundar igl areal da scola e dil center communal era evidents. Suenter la sanaziun dis baghetgs existents e la construcziun dil center communal e dalla casa da scola e scoletta eis ei veseivel che la parcella 1368 sa vegnir messa a disposiziun per la construcziun da parcadis. Il problem da parcadis sin igl areal dalla Casas s. Martin exista gia dapi biars onns ed ina megliur ei indispensabla. Suenter haver tschercau pliras sligiazions ein ils responsabels dalla Casa s. Martin seviults tier la vischnaunca cun la damonda da saver acquistar ni retscheiver in dretg da servitud per saver construir parcadis sin la parcella 1368 a Splecs.

La suprastonza communal ei digl avis ch'il basegns dalla Casa s. Martin seigi fetg aults e ch'ins stoppi anflar ina sligiazion per in parcadi central. La cumbinaziun da saver construir sin quella parcella 21 plazs da parcar lubescha ton alla Casa s. Martin sco era alla vischnaunca da metter a lur emploiai plazs da parcar a disposiziun. Igl ei previu che la Casa s. Martin cumpri ni survegni ina servitud per 2/3 dalla parcella 1368. La valur dalla cumpra ni dil dretg da servitud duei vegnir fixaus cun frs. 60'000.00.

Cun 13 : 0 vuschs concluda il cussegl da vischnaunca:

- **Da schar acquistar ni da conceder alla Casa s. Martin il dretg da servitud per 2/3 dalla parcella 1368 per la summa da frs. 60'000.00.**
- **Da surdar alla suprastonza communal la cumpetenzza cumpleina da contrahar cun la Casa s. Martin en tgei fuorma ch'ils parcadis san vegnir realisai e segirai, inclus serrar giu, documentar ed impurtar il corrispudent contract el cudisch funsil per grevezia dalla parcella pertuccada en favur Casa s. Martin per il diember da parcadis che vegnan finanziaj entras la Casa s. Martin.**

Tractanda 4

Damonda da credit per la construcziun da parcadis sin la parcella 1368

La parcella 1368 ch'ei en possess dalla vischnaunca sesanfla en la zona per stabiliments publics, aschia ch'ina construcziun da parcadis ei pussevla. La grondezia e la fuorma dalla parcella lubeschan la construcziun da 21 plazs da parcar. Igl ei previu che la Casa s. Martin surpendi 2/3 dalla parcella e che la vischnaunca da Trun utiliseschi 1/3 dils parcadis. Ils parcadis dalla vischnaunca dueigien en emprema lingia survir per las persunas ch'ei engaschadas tier il consorzi da scola Sumvitg-Trun ed han lur plaz da lavur a Trun. Il biro d'inschignier Iso Mazzetta ha elaborau in pign project e quenta cun cuosts bruts da frs. 177'0000.00. Sin fundament da quei calcul da cuosts damonda la suprastonza communal per in credit da frs. 60'000.00 per la construcziun da lur cumpart dils parcadis.

Cun 12 : 0 vuschs conceda il cussegl da vischnaunca in credit da frs. 60'000.00 per la cumpart dalla vischnaunca da Trun vid ils cuosts per la construcziun dils parcadis dalla vischnaunca sin la parcella 1368.

Tractanda 5

Informaziun davart il parc Adula

La vischnaunca da Trun ei cumpigliada vid il Parc Adula cun territori communal e quei en la zona circumdada. El plan regional era previu l'integraziun dil terren communal dalla vart seniastra dil Rein. Suenter haver sediscurriu cun ils responsabels dallas vischnauncas da Disentis/Mustér e Sumvitg ei la suprastanza communal da Trun digl avis ch'il perimeter duei vegnir engrondius encunter mesanotg e quei entochen la senda Sursilvana. Quella varianta porta igl avantatg che nossas interpresas ed era ils purs san far cun il „Label dil Parc Adula“ reclama per lur products.

En in fetg interessant referat informescha Rico Tuor davart las pusseivladads economicas che sedattan per menaschis mo era per objects culturals che sesanflan en la zona dil parc Adula. Davart il giavisch dallas vischnauncas en connex cun l'engrondaziun dil Parc Adula decida la surastanza dil parc.

La decisiun finala ei previda per igl onn 2015. Lu succedan votaziuns dil pievel en tut las vischnauncas cumpigliadas.

Ils responsabels dil Parc Adula han grond interess da saver informar la populaziun davart las pusseivladads. Quei sa succeder cun informaziuns publicas, cun informaziuns persunalas mo era cun informaziuns da pressa e sin lur pagina d'internet.

Tractanda 6

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

Il president
Flurin Decurtins

Igl actuar
Plazi Decurtins